

漢

魏

遺

書

鈔

序錄

隋志服虔撰春秋左氏傳解詁三十一卷

唐志三十卷

後漢書本傳曰虔字子慎河南滎陽人少以清苦
建志有雅才作春秋左氏傳解又以左傳駁何休
之所駁漢事六十條舉孝廉拜九江太守

世說曰鄭玄欲注春秋傳尙未成時與服子慎遇
宿過舍先未相識服在外車上與人說已注傳意
玄聽之良久多與已同就車與語曰吾久欲注尙
未了聽君向言多與吾同今當盡以所注與君遂

為服氏注 又服虔將注春秋欲參考同異聞崔
烈集門生講傳遂匿姓名為烈門人賃作食每竊
聽戶壁聞既知不能踰已稍共諸生叙其短長烈
聞不測何人然素聞虔名意疑之明早往及未寤
便呼子慎虔不覺驚應遂相與友善

降書作木傳曰諸儒傳左氏者甚眾其後賈逵服
虔並為訓解晉杜預又為經傳集解服虔杜預注
俱立國學而後學惟傳服義至隋杜氏盛行服義
寢微今殆無師說

北史儒林傳曰河北諸儒能通春秋者並服子慎所注其河外諸生俱服膺杜氏大抵章句好尙互有不同江左左傳則杜元凱河洛則服子慎要其會歸殊方同致矣

吳萊春秋釋例序曰杜元凱作經傳集解三十卷釋例四十卷且歷詆劉賈之違獨不言服氏豈或不見服氏書乎亦不應不見也館陶趙世業家有服氏春秋是晉永嘉舊寫華陰徐生徃讀之遂撰春秋義章以教學者是永嘉時猶未尙杜氏青州

刺史杜坦及其弟驥世傳其業故齊地亦多習之
坦元凱之京孫也姚文安秦道靜初亦學服氏後
更兼講杜說劉蘭張吾貴之徒則又隱括兩家同
異義例無窮自唐孔穎達春秋正義一用杜氏非
徒劉賈之說不存服義亦不盡見固不若兩存之
以見服杜之爲孰愈也

謨案服杜二家左氏傳註典廢本末具如前說故
不復論今並從諸經正義史記集解鈔出七百八
十餘條分爲四卷

左氏傳解誼卷一

漢 滎陽服虔注

寧 簡連自能授

惠公元妃孟子孟子卒

嫌與惠公俱卒故重言之

也

隱公元年

春王正月

孔子作春秋於春每月書王以統

三王之正

未王命故不書爵 爵者醜也所以醜盡其材也

大叔完聚 聚木忝也

謂之鄭志 公本欲養成其惡而加誅使不得生出

此鄭伯之志意也

並春秋正義。下正義做此。

不及黃泉

天京地黃泉在地中故言黃泉

史記鄭世家注

公入而賦姜出而賦

人言公出言姜明俱出入互

相見

正義

天王使宰咺來歸惠公仲子之賵 咺天子宰夫

周禮

秋官

賵覆也天王所以覆被臣子

天子七月而葬同軌畢至

軌車轍也王者馭天下

必令車同軌書同文同軌畢至謂海內皆至也四

夷異俗不可同其文軌天子之喪不能以時赴弔

故言同軌以別四夷之國也

惠公之薨也有宋師 宋師即黃之師也是時宋來

伐隱公自與戰

三 年 潢汙行潦之水 畜小水謂之潢水不流 文選注引作不

潢 謂之汙行潦道路之水也 並正義

衛莊公娶于齊東宮得臣之妹 得臣齊世子名居

東宮是也 詩衛風疏

驕奢淫泆所自邪也 言此四者過從邪起是也

年 將修先君之怨於鄭 先君莊公也 並正義

君若伐鄭以除君害 公子馮將爲君之害

敝邑以賦與陳蔡從 賦兵也以田賦出兵故謂之

賦

故宋公陳侯蔡人衛人伐鄭 衛使宋爲主使大夫

將故序衛于陳蔡下 竝邨風疏

衛人使右宰醜蒞殺州吁于濮 右宰醜衛大夫濮

陳地 衛世家注

五年 昭文章 大司馬職曰中秋教治兵辨旗物之用

王載大常諸侯載旂軍吏載旗師都載旛鄉遂載

物郊野載旒百官載旗遂以獮田

正義曰服虔解此引司馬職文

明是旌旗所建用

秋辨旗物之法

不登於俎 上登為升下登為成

九月考仲子之宮 宮廟初成祭之名為考將納仲

子之主故考成以致其五祀之神以堅之

所以節八音而行八風 八風八卦之風乾音石其

風不周坎音葦其風廣莫艮音匏其風融震音竹

其風明庶巽音木其風清明離音絲其風景坤音

土其風涼兌音金其風閭闔

竝正義

叔父有憾於寡人 諸侯稱同姓大夫長曰伯父少

曰叔父

小雅疏

六年鄭人來渝平更成也 公為鄭所獲釋而不結平

於是更為約束以結之故曰渝平

宋人取長葛 長葛不繫鄭者刺不能撫有其邑 並正

義

七年初戎朝于周發幣于公卿凡伯弗賓 戎以朝禮

及公卿大夫發陳其幣凡伯以諸侯為王卿士不

修賓王之禮敬報於戎是以冬天王使凡伯來聘

還戎伐之於楚正以歸儀禮覲禮疏

及鄭伯盟歆如忘如而似臨歆而忘其盟載之辭

言不精也正義

^八年先配而後祖大夫以上無問舅姑在否皆三月

見祖廟之後乃始成昏禮記曾子問疏

諸侯以字為諡因以為族公之母弟則以長幼為

氏貴適統伯仲叔季是也庶公子則以配字為氏

尊公族展氏臧氏是也

官有世功則有官族謂異姓也

九年先者見獲必務進 先者見獲言必不往相救各

自務進言其貪利也 竝正義

十年 滕侯薛侯來朝爭長 先登授玉 覲禮疏

周之宗盟 宗盟同宗之盟

頽考叔挾輶以走 考叔挾車轂筆馬而走 竝正義

使營菟裘吾將老焉 菟裘魯邑也營菟裘以作宮

室欲居之以終老也

館于寫氏 館舍也寫氏魯大夫 竝魯世家注

桓公 元 宋華父督見孔父之妻于路目迎而送之 督

戴公之孫目者極視睛不轉也

宋世家注

宋殤公立十年十一戰 與夷隱四年卽位一戰伐

鄭圍其東門再戰取其禾皆在隱四年三戰取邾

田四戰邾鄭入其郛五戰伐鄭圍長葛皆在隱五

年六戰鄭伯以王命伐宋在隱九年七戰公敗宋

師于菅八戰宋衛入鄭九戰宋人蔡人衛人伐戴

十戰戊寅鄭伯入宋皆在隱十年十一戰鄭伯以

號師大敗宋師在隱十一年是皆在隱公世也

二年 大路越席

大路木路

史記禮書注引服虔云大路祀天車也越席結括草

以為席也。後漢書輿服志注引服虔云：大路總名也。如今駕駟高車矣。尊卑俱乘之，其采飾有差。○
按二書所引服說必皆本解誼，並錄於此。

藻率鞞鞞 藻畫藻率刷巾

鞞屬游纓 纓如索藉今乘輿大駕有之 並正義

遷九鼎于洛邑今河南有鼎中觀 周書召誥疏

三辰旂旗 三辰日月星也謂之辰者辰時也日以

照晝月以照夜星則運行於天民得取其時節故

謂之辰也 大雅疏○覲禮疏引服注云九旂之總名

蔡侯鄭伯會于鄧 言蔡鄭會于鄧之國都 正義

士有隸子弟 士界自其子弟為僕隸祿不足以及

宗既父疏

三韓萬御戎 韓萬晉大夫曲沃桓叔之子莊伯之

弟大雅疏

五年蔡人衛人陳人從王伐鄭 言人者時陳亂無君

則三國皆大夫也故稱人衛風疏

則公如曹 春秋前以黜陟之法進爵為公正義

秋大雩 大雩夏祭天名雩遠也遠為百穀求膏雨

也龍見而雩龍角亢也謂四月昏龍星體見萬物

始盛待雨而大故雩祭以求雨也一說大雩者祭

於帝而祈雨也一說郊祀天祈農事雩祭山川而

祈雨也

後漢書禮儀志注。月令疏引此文畧。

凡祀魯祭天以孟月祭宗廟以仲月

王制疏

始殺而嘗

孟秋也

正義

六年吾牲牲肥腍牛羊曰肥豕曰腍

嘉菜旨酒 穀之初熟為粟

接以太牢

接者于初生接見于父

禮

以德命為義 謂若大王度德命文王曰昌文王命

武王曰發

不以畜牲 六畜馬牛羊豕犬雞

不以器幣 豆鬯粢犧象之屬皆不可以爲名也

七年 穀伯鄧侯來朝名賤之也 穀鄧密邇于楚不親

仁善鄰以自固卒爲楚所滅無同好之救桓又有

弑賢兄之惡故賤而名之

九年 曹太子其有憂乎非歎所也 古之爲享食所以

觀威儀省禍福無喪而戚憂必讐焉今太子臨樂

而歎是父將死而兆先見也

十一 春齊衛鄭宋盟于惡曹 經不書宋宋後盟正並

義

君多內寵 言庶子有寵者多

雍比有寵於宋 為宋正卿故曰有寵並鄭世家注

十三 公會紀侯鄭伯及齊侯宋公衛侯燕人戰 時

衛先君未葬而稱爵者譏其不稱子也曲禮疏

夫固謂君訓衆而好鎮撫之 夫謂鬪伯比也

不書所戰後也 下日者公至而後定戰日

十四 乙亥嘗 魯以壬申被災至乙亥而嘗不以災

害為恐竝正義

十五年 鄭伯因櫟人殺檀伯而遂居櫟 檀伯鄭守櫟

大夫櫟鄭大都水經注

十六年 構急子 構會其過惡

使盜待諸莘 莘衛東地竝邶風疏

十七年 天子有日官諸侯有日御 日官日御典厯數者也

日官居卿以底日禮也 是居卿者使卿居其官以

主之重厯數也竝春官疏

十八年 公遂及艾姜如齊齊侯通焉 傍淫曰通又云凡淫

日通○ 邶風疏

夏四月丙子享公 為公設享讌之禮魯世家注

祭仲逆鄭子于陳而立之 鄭子昭公弟子儀也鄭風疏

莊公元年 夫人孫于齊 桓公之薨至是年三月期而小

祥公憂思少殺念及於母以其罪重不可以反之

故書孫于齊耳其實先在於齊本未歸也齊風疏

不稱姜氏絕不為親 夫人有與殺桓之罪絕不為

親得尊父之義善莊公思大義絕有罪故曰禮也

二年夫人姜氏會齊侯于禚 蓋魯桓公之喪從齊來

以文姜為二年始來 齊風 疏

四年楚武王荆尸授師于焉以伐隨 子句于也凡戟

而無刃秦晉之間謂之矛或謂之鏃吳揚之間謂

之伐東齊秦晉之間其大者謂之曼胡其曲者謂

之句于曼胡 冬官 疏

六年楚文王伐申過鄧 鄧曼姓也 楚世家注

八年師次于郟以俟陳人蔡人 言欲共伐郟 正義

瓜時而往曰及瓜而代 瓜時七月及瓜謂後年瓜

時

連稱有從妹在公宮 為妾在宮也

見大豕從者曰公子彭生也 公見彘從者乃見彭

生鬼改形為豕也 竝齊世家注

豕人立而啼 啼呼也 文選注

九年夏公伐齊納子糾齊小白入于齊 齊大夫來迎

子糾公不亟遣而盟以安之齊人歸迎小白

十年蒙臯比而先犯之 樂記云倒載于戈包之以虎

皮名之曰建麋鄭玄以爲甲兵之衣曰麋麋韜也
其字或作建皋

十一 覆而敗之曰取某師 覆隱也設伏而敗之謂

攻其無備出其不意敵人不知敗之易故曰取

宋公靳之 恥而惡之曰靳 並正義

十二 羣公子奔蕭公子御說奔毫 蕭毫宋邑也

陳人使婦人飲之酒 宋萬多力勇不可執故先使

婦人誘而飲之酒醉而縛之

宋人皆醢之 醢肉醬 並宋世家注

十三年 春齊侯宋人陳人蔡人邾人會于北杏 北杏

之會時已得王命

十四年 丙蛇死六年而厲公入 蛇北方水物水成數

六故六年而厲公入

十六年 不可使共叔無後于鄭 定叔之祖共叔段有

伐君之罪宜世不長而云不可使共叔無後於鄭

言其刑之偏頗鄭厲公以尊篡適同惡相恤故黨

於共叔欲令其後不絕傳所以惡厲公也

並正義

十六年 夏公追戎于濟西 桓公為好莊公獨不能修

而見侵濟西曹地

夏官疏

秋有蛾 蛾短狐南方盛暑所生其狀如鼈古無今

有含沙射人人皮肉中其瘡如疥徧身中獲獲蛾

蛾春秋疏作或或故為災禮曰惑君則有秋官疏

二年 執燕仲父 南燕伯爵正義

二年 鄭伯享王于闕西辟 闕象魏也天官疏 西辟西

偏也

王以后之鞶鑑予之號公請器王子之爵鄭伯由是

始惡於王 鞶鑑王后婦人之物非所以賜有功爵

飲酒器玉爵也一升曰爵爵人之所貴者言鄭伯以其父得賜不如虢公為是始惡於王積而成怨

僖二十四年遂執王使並正義

二十二年翹翹車乘招我以弓翹翹遠貌召南疏

臣卜其晝未卜其夜 臣將享君必卜之示敬慎也

小雅

疏

五世其昌並於正卿 言完後五世與卿並列陳杞世家

注

風行而著於土 巽在坤上故為著土也一日巽為

風復爲木風吹木實落去更生他土而長育是爲

在異國

正義

二十三年諸侯有王王有巡狩 有王朝於王王有巡守

非是君不舉矣

秋官疏

二十四年鄭有厲宣之親 鄭宣王母弟鄭風疏

二十六夫不惡女乎 夫謂天子也正義

二十八無麥禾 陰陽不和土氣不養故禾麥不成

臧孫辰告糴于齊 不言如重穀急辭以其情急於

糴故不言如齊告糴乞師則情緩於穀故云如楚

乞師

三十闕射師諫則執而梏之射師若敖子闕班也

竝正義

冬遇于魯濟謀山戎也山戎北狄名今鮮卑也齊世

家注

三十二年故有得神以興虞舜祖考來格鳳皇來儀百

獸率舞正義

割臂盟公割其臂以與公盟

圍人犂圍人掌養馬者犂其名也

能投蓋于稷門 能投干鈞之重過門之上

使鍼季醜之 醜鳥名

成季奔陳 季友內知慶父之情力不能誅故避其

難出奔 竝魯世家在

立閔公 閔公於是年九歲

閔公 因重固 重不可動因其不可動而堅固之

以滅耿滅霍滅魏 三國皆姬姓魏在晉之蒲坂河

東也

分之都城而位以卿先為之極 邑有先君之主曰

都極言其祿位極盡於此也

萬盈數也魏大名也以是始賞天啓之矣 數從一
至萬為滿魏喻巍巍高大也以魏賞畢萬是為天
開其福

筮仕于晉 畢萬在周筮仕于晉 竝正義

二 年 號公敗犬戎于渭汭 服本作 隊謂汭也 水經

夫人姜氏孫于邾 文姜殺夫罪重故去姜氏哀姜

殺子罪輕故不去姜氏

初公傅奪卜齧田公不禁公即位時年九歲 正義曰 閔公之

年歲傳文不明服虔於莊三十二年注云閔公
於是年九歲於僖二年注云閔公死時年九歲

季氏亡則魯不昌 謂季友出奔魯弑二君

鶴有乘軒者 車有藩曰軒 並正義

惠公之卽位也少齊人使昭伯烝于宣姜 昭伯衛

宣公之長子伋之庶兄上淫曰烝宣姜宣公夫人

惠公之母

許穆夫人賦載馳 載馳五章屬鄘風許夫人閔衛

滅戴公失國欲馳驅而唁之故作以自痛國小力

不能救在禮婦人父母旣沒不得寧兄弟於是許

人不嘉故賦二章以喻思不遠也許人尤之遂賦
三章以卒章非許人不聽遂賦四章言我遂往無

我有尤也 竝廊風疏

歸夫人魚軒 魚獸名 小雅疏

重錦三十兩 重牢也 正義

晉侯使太子申生伐東山臯落氏 臯落氏赤翟之

都也 水經注

以朝夕視君膳者也 厨膳飲食

有守則從從曰撫軍 有代太子守則從之助君撫

循軍士 並晉世家注

君其舍之 置申生勿使將兵也

不對而退 里克不對

公衣之偏衣佩之金玦 偏衣偏褻之衣偏異色駁

不純褻在中左右各異故曰偏衣金玦以金為玦

也 晉世家注

是服也狂夫阻之 阻止也方相之士蒙玄衣朱裳

王索室中毆疫號之為狂夫止此服言君與天子

以狂夫所止之服衣之 正義

與其危身以速罪也 速召也疾也言天子不去自

必危疾召罪狐突知其亂本既成而天子拘於一
節不達至孝之義與臯落雖戰勝而歸猶不能免
於難而使父有悖惑殺子之罪故傳備衆賢之言

以迹天子所以死也

御覽

衛文公大布之衣大帛之冠

戴公卒在此年

鄭風

左氏傳解誼卷二

漢 滎陽服虔注

金谿鄭 曙校

僖公元公敗邾師于偃虛止之之戍 虛止魯邑魯有亂

邾使兵戍虛止魯與邾無怨因兵將還要而敗之
所以惡僖公也邾之與魯本無怨惡僖公奔邾則
為之外主國亂則戍其內邑無故而敗其師亡信
背義莫斯之甚非僖公作頌之主所當行也

二年冀為不道入自顛軫伐鄭三門 謂冀伐晉也郡

志注引服虔云
鄭晉別都也

冀之既病則亦唯君故 謂虞助晉也將欲假道稱

前恩以誘之 並正義

滅下陽 下陽虢邑也在大陽東三十里城南 水經注

四年楚屈完來盟于師 言來者外楚也嫌楚無罪言

末楚以外之 正義

蔡潰 民逃其上曰潰 齊世家注

唯是風馬牛不相及也 風放也牝牡相誘謂之風

尙書稱馬牛其風此言風馬牛謂馬牛風逸牝牡

相誘蓋是末界之微事言此事不相及故以取喻

不相干也

正義正

昔召康公 召公奭也

齊世家注

五侯九伯女實征之 五侯公侯伯子男九伯九州

之長大公為王官之伯掌司馬職以九伐之法征

討邦國故得征之

邶風疏

東至于海西至于河南至于穆陵北至于無棣 是

大公始受齊土地疆境所至也

昭王南征而不復寡人是問 周昭王南巡狩涉漢

水濟船解而溺昭王王室諱之不以赴諸侯不知

其故桓公以為辭責問楚也

並齊世家注

楚國方城以為城漢水以為池 方城山也漢水名

皆楚之隘塞耳

商頌疏。齊世家注引服虔云方城山在漢南

且其繇曰 繇抽也抽出吉凶也

周易釋文

天子祭于曲沃 齊姜廟所在

晉世家注

五年遂登觀臺以望 人君入大廟視朔告朔天子曰

靈臺諸侯曰觀臺在明堂之中

玉藻疏

凡分至啓閉必書雲物為備故也 分謂春秋分至

謂冬夏至啓立春夏也陽氣用事為啓閉立秋冬

也陰氣用事為閉雲五雲也物風氣日月星辰也

分至啓閉天地之大節陰陽之分也故遂登觀臺

望氣以審妖祥變亂之氣先見于八節審其雲物

之形言其所致務為之備也

春官疏

狐裘龍茸一國三公吾誰適從 龙茸以言亂貌三

公言君與二公子將敵故不知所從

披斬其祛 祛袖也

並晉世家注

會于首止 首止近鄭之地

鄭世家注

輔車相依 輔上領車也與牙相依

衛風疏

其變之也服本其愛之甚正義

人不易物惟德緊物 緊發聲也言黍稷牲玉不易

無德薦之則不見享有德則見享言物為有德用

也大雅疏

均服振振 均同也春官疏云衾服黑服也古戎服尚黑

而修虞祀 虞所祭祀命祀也晉世家注

七年十華由是得罪於鄭 鄭伯罪之也

八年狄伐晉報采桑之役也 采桑翟地晉世家注

不薨于寢不殯于廟 不薨於寢寢謂小寢不殯於

廟廟謂殯宮鬼神所在謂之廟

檀弓疏

則弗致也 言諸侯夫人有罪不以禮終不當致

春官

疏

九年王使宰孔賜齊侯胾 胾腩肉周禮以脰膾之禮

親兄弟之國不以賜異姓尊齊侯客之若先代之

後

秋官疏

以伯舅耆老 七十曰耆

射義疏

及高粱而還

高粱晉地

齊世家注

十年子弑二君與一大夫 奚齊卓子荀息也

狐突適下國 晉所滅國以為下邑一曰曲沃有宗

廟故謂之國在絳下故曰下國

余得請於帝矣 帝天請罰有罪 竝晉世家注

七輿大夫 上軍之輿帥七人屬申生者襄二十三

年下軍輿帥七人往前申生將上軍今七輿大夫

為申生報怨欒盈將下軍故七輿大夫與欒氏 正義

十二年齊侯使管夷吾平戎于王 戎伐周晉伐戎救

周故和也

陪臣敢辭 陪重也諸侯之臣於天子故曰陪臣 竝周

本紀注

謂白里與諸乎 百里秦大夫 晉世家注

十四年八月辛卯沙鹿崩 沙山名鹿山足林屬於山

曰鹿正義

號射 惠公舅

十五年公曰不孫 孫順也

赤陽御戎家僕徒為右 二子晉大夫也

輅秦伯 輅迎也 並晉世家注

晉於是乎作爰田 爰易也賞衆以田易其疆畔

士刳羊亦無益也女承筐亦無貺也 離為戈兵兌
為羊震變為離是用兵刺羊之象也三至五有坎
象坎為血血在羊上故刺無血也震為竹竹為筐
震變為離離為火火動而上其施不下故筐無實
也

西鄰責言不可償也 三至五為坎坎為月月生西
方故為西鄰坎為水兌為澤澤聚水故坎責之澤
澤償水則竭故責言不可償

歸妹之睽猶無相也 兌為金離為火金火相遇而

相害故無助也

爲雷爲火爲羸敗姬 離爲日爲火秦羸姓水位三

至五有坎象水勝火故爲羸敗姬

車說其輶火焚其旗不利行師敗于宗正 五至三

有坎爲水象震爲車車得水而脫其輶也震爲龍

龍爲諸侯旗離之震故火焚其旗也震東方木兌

西方金木遇金必敗韓有先君之宗廟故曰宗正

寇張之弧 坎爲寇爲弓故曰寇張之弧

此一役也 一役者謂韓戰之役 竝正義

箕子 紂之庶兄 宋世家 索隱

年 君失問 鵠退風咎君行所致非吉凶所從生

襄公不問已行何失而致此變但問吉凶焉在以

為石隕鵠退吉凶所從而生故云君失問 正義

年 十七 故名男曰圉女曰妾 圉人掌養馬臣之賤者

不聘曰妾 晉世家 家注

齊侯好內 內婦官也

因內寵以殺羣吏 內寵如夫人者六人羣吏諸天

夫也 並齊世家注

二十一年 凡啓塞從時 闔扇所以開鍵閉所以塞月令

仲春修闔扇孟冬修鍵閉從時從此時也

二十二年 修城郭 國家凶荒則無道之國乘而加兵故

修城郭為守備也 竝正義

二十三年 寡君之使婢子侍執巾櫛 曲禮云世婦以下

自稱婢子婢子婦人之卑稱也 晉世家注

二十四年 齊侯伐宋圍緡以討其不與盟于齊也 魯僖

公十九年 諸侯盟于齊以無忘桓公之德宋襄公

欲行霸道不與盟故伐之 齊世家注

策名委質 古者始仕必先書其名於策委死之質

於君然後為臣示必死節於其君也 仲尼弟子列傳索隱

司空季子 胥臣曰季也 晉世家注

齊桓公妻之有馬二十乘 八十匹也 宋世家注

公子懼降服而囚 申意於楚子伸於知已降服於

懷 羸屈於不知已

四 二十 臣負羈縻從君巡於天下 一日大纒曰緝古

者行則有犬 竝正義

軍于郟 郟國在解縣東郟瑕氏之虛也 水經注

上下相蒙

蒙欺也

晉世家注

又怨襄王之與衛滑也

滑小國近鄭世世服從而

更違叛鄭師伐之聽命後自慙於王王以與衛

富辰諫曰富辰周大夫

竝周本紀注

召穆公召康公十六世孫

大雅疏

為王卿士

小雅疏

于遂出及坎欲坎欲鞏東邑名也

水經注

二十五年遇黃帝戰于阪泉之兆

阪泉地名

五帝本紀注

三月甲辰次于陽樊

陽樊周地陽邑名也樊仲山

甫之所居故曰陽樊

晉世家注

衛子莒慶盟于洮 時先君已葬成公猶稱子者明

不失子道 曲禮疏

二十六年公使展喜犒師 以師枯槁故饋之飲食勞苦

謂之勞也

室如縣磬 言室屋皆發撤榱椽在如縣磬 並正義

夔于不祀祝融與鬻熊 夔楚熊渠之孫熊摯之後

夔在巫山之陽秭歸鄉 楚世家注

二十八年還自南河濟 南河濟南之東南流河也 衛世家注

衛侯出居于襄牛 襄牛衛地也 晉世家注

願以閉執讒慝之口 子玉非敢求有大功但為執

為賈讒慝之口謂子玉過三百乘不能入也同上

楚子伏已而監其腦 如俗語相罵云噠女腦矣正義

作王宮于踐土 既敗楚師襄王自往臨踐土賜命

晉侯晉侯聞而為之作宮

駟介百乘徒兵千 駟介駟馬被甲也徒兵步卒也

世晉世家注

出入三覲 出入猶去來也從來至去凡三見王上

公廟中將幣三享王禮再裸而酢饗禮九獻食禮

九舉三勞三問出入三覲為行此禮

秋官疏

王子虎盟諸侯于王庭 王庭踐土也

晉世家注

楚子玉自為瓊弁玉纓 謂馬飾

王制

天王狩于河陽 河陽温也

水經注

晉僖作三行以禦敵 辟天子六軍故謂之三行也

晉世家注

二十九年 介葛盧聞牛鳴曰是生三犧皆用之矣 言八

律之音聽禽獸之鳴則知其嗜欲

三十一年 請無與圍鄭許之 晉善蘭不忘本國故也

饗有昌歆白黑形鹽 昌歆昌本之菹

鹽虎形 尅形竝天官疏

東門襄仲將聘于周遂初聘于晉 先聘晉後聘周

三望猶三望 三望分野之星國中山川

三望秦師輕而無禮 無禮謂過天子門橐甲束兵

而但免冑竝正義

唯其脯資餼牽竭矣 腥曰餼聘禮疏○又聘義疏引服虔注作死曰餼

遂塋以葬文公 非禮也晉世家注

夫人請之 夫人秦繆公女秦本紀注

文夫人歛而葬之鄆城之下 鄆城故鄆國之墟鄭

疏

特祀於主烝嘗禘於廟 特祀於主謂在寢烝嘗禘

於廟者三年喪畢遭烝嘗則行祭皆于廟焉禮疏

文公元年蠶目而豺聲忍人也 言忍為不義

能事諸乎 若立職子能事之

能行大事乎 謂弒君也竝楚世家注

二年不登於明堂 明堂祖廟也玉藻疏

故禹不先鯀湯不先契文武不先不窋 周家祖后

稷以配天明不可先也故言不先不密禹湯異代

之王故言不先鯀契也

正義

三年取王官及郊此晉地不能有

秦本紀注

四年晉侯伐秦圍邠新城以報王官之役秦新邑所

作城也

晉世家注

旅弓矢千旅弓以射甲革楛質矢千則弓十

小雅疏

五年王使榮叔來含且賄含賄當異人今一人兼兩

使故書且以譏之

正義

不祀忽諸諸語辭

邶風疏

六年晉蒐于夷舍二軍 使射姑代先且居趙盾代趙

衰也箕鄭將上軍林父佐也先蔑將下軍先穀佐也故蒐于董趙盾將中軍射姑奔狄先克代佐中

軍正義

以子車氏三子奄息仲行鍼虎為殉 子車秦大夫

氏也殺人以葬璇環其左右曰殉 秦風疏

為之律度 鳧氏為鐘各自計律倍而半之黃鍾之

管長九寸 正義

晉人以難故欲立長君 晉國數有患難也 晉世家注

難必杼矣

服本作舒

舒緩也

正義

辰羸嬖於二君

辰羸懷羸也二君懷公文公也

班在九人班次也

並晉世家注

文公之入也無衛衛從兵也

七年將焉寘此寘置也此大子也

晉世家注

此子也才吾受子之賜不才吾惟子之怨如子為

善教誨此子使之有賢才知人君之道也則吾受

子之賜賜猶惠也才而受賜美其教也不才怨子

惡其教不至也

今君雖終言猶在耳 君沒未久而言聲語氣尙在

耳

宣子與諸大夫皆患穆嬴且畏偪 患穆嬴以君顧

命之言責已也畏他公子相逼迫也並御覽

正德利用厚生 正德人德利用地德厚生天德春官

疏

十一年 且言司城蕩意諸而復之 反不書者施而不

德

鄭厲侵齊 伐我不書諱之並正義

冬十月甲午敗翟于鹹 鹹魯地也

富父終甥搯其喉以戈殺之 富父終甥魯大夫搯猶衝也

以命宣伯 宣伯叔孫得臣子喬如也得臣獲喬如以名其子使後世旌識其功

初宋武公之世鄭瞞伐宋 武公周平王時在春秋

前二十五年鄭瞞長翟國名

並魯世家注

獲長狄緣斯皇父之二子死焉 不言所埋埋其身

首同處於戰地可知殺緣斯者未必三子之手士

卒獲之耳

正義正

衛人獲其季弟簡如 獲與喬如同時

魯世家注

十二年 邲人立君 立君改立君不問天子也

太子以夫鐘與邲邾來奔 邲邾邲邾之家寶圭太

子以其國寶與地夫鐘來奔也

秦伯伐晉取羈馬 晉邑也

以從秦師於河曲 河曲晉地

並秦本紀注

若使輕者肆焉 肆突言使輕銳之兵往驅突晉軍

夏官

疏

十三 能賤而有恥一謂能處賤且又知恥言不可汗

辱正義正

魏壽餘 晉之魏邑大夫

秦本紀注

乃行繞朝贈之以策 繞朝以策書贈士會

正義正

大室之屋壞 太廟之室

明堂位疏

十四 齊人執子叔姬 子叔姬者子殺身執閔之故

言子為在室辭

十五 宋司馬華孫貴之也 華耦為卿侈而不度以

君命修好結盟舉其官屬從之空官廢職魯人不

知其非反尊貴之其意以為貴之者魯人貴之非

君子貴之並正義

史佚有言 史佚周成王太史玉藻疏

一人門於句躄一人門於戾正 魯國中小寇非異

國侵伐故不書也正義

十六年分爲二隊 隊部也文選注

公子鮑美而豔襄公夫人欲通之而不可 襄公夫

人周襄王之姊王姬也不可鮑不肯也宋世家注

十七年齊侯伐我北鄙 再來伐魯西鄙書北鄙不書

諱仍見伐

寡君又朝以葳陳事 葳救也

鹿死不擇音 鹿得美草呦呦相呼至於困迫將死

不暇復擇善音急之至也 並正義

周甘歆敗戎于邠垂 邠垂在高都南 水經注

十八年 襄仲欲立之叔仲不可 襄仲公子遂叔仲惠

伯魯世家注

在九刑不忘 正刑一議刑八

蒼舒隕斂禱戴大臨龙降庭堅仲容叔達 八人禹

垂之屬也

服讒蒐慝以誣盛德

服本蒐慝作隱
慝盛德作成德

隱慝謂陰隱

為惡也成德謂成就其德故為賢人也

並正義

少皞氏 金天氏帝號

謂之窮奇 謂共工氏也其行窮而好奇

並五帝本紀注

縉雲氏有不才子 夏官為縉雲氏

正義

以禦螭魅 螭山神獸形或曰如虎而噉虎魅人面

獸身四足好惑人山林異氣所生為人害也

春官疏

宣公九年遂以夫人婦姜至自齊 古者一禮不備貞女

不從故詩云雖速我訟亦不女從盲公既以喪娶
夫人從亦非禮故不稱氏見畧賤之也

楚子侵陳遂侵宋晉趙盾帥師救陳宋 趙盾既救

陳而楚師侵宋趙盾欲救宋而楚師解去並正義

楚為賈救鄭遇於北林 北林鄭南地也水經注

囚晉解揚 解揚晉大夫晉世家注

二年見叔牂日子之馬然也對曰非馬也其人也 賈

逵云叔牂宋守門大夫華元既見叔牂牂謂華元
日子見獲於鄭者是由子之馬使然也華元對曰

非馬自奔也其人爲之也鄭衆云叔牂卽羊斟也
在先得歸華元見叔牂牂卽誣之曰奔人鄭軍者

子之馬然也非我也華元對曰非馬也其人也又
一說叔牂宋人見宋以馬贖華元謂元以贖得歸

謂元日子之得來當以馬贖故然華元曰非馬也
其人也正義曰服虔載三說皆以子之馬然爲叔牂之語對曰以下爲華元之辭杜不從

于思于思 白頭貌小雅疏○左傳疏作賈注
宰夫膈熊蹯不熟 蹯熊掌其肉難熟晉世家注

遂扶以下公噉夫犬焉釋文扶服本作跣注云徒跣也噉作噉 趙盾

徒跌而下走嗾啜也夫語辭獒犬名公乃嗾夫獒

使之噬盾也正義

宦三年矣 宦學也學職事為官也曲禮疏

問其名居不告而退 不望報也

為法受惡 聞義則服並晉世家注

詛無畜羣公子 驪姬與獻公及諸大夫詛無畜羣

公子欲令其二子專國正義

乃宦卿之適子而為之田以為公族 公族大夫也

晉世家注

趙盾為旄車之族 旄車戎車之倅

魏風疏

三楚子伐陸渾之戎遂至於雒觀兵於周疆 陸渾

戎在雒西南也觀兵陳兵於周也

定王使王孫滿勞楚子 以郊勞禮迎之也

貢金九牧 使九州之牧貢金

並楚世家注

螭魅罔兩

服本作魍魎

螭山神獸形魅怪物魍魎木石

之怪

春官疏

文公報鄭子之妃 鄭子文公叔父子儀也報復也

淫親屬之妻日報漢律淫季父之妻日報

邶風疏

四
年子公之食指動 食指第二指 鄭世家注 俗所謂啗鹽

指也 正義

以貫笠轂 笠轂轂之蓋如笠所以蔽轂上以禦矢

也 一曰車轂上鐵也 或曰兵車旁幔輪謂之笠轂

十一年 令尹蔦艾獵城沂 艾獵為賈之子孫叔敖也

並正義

使封人慮事 封人司徒之屬 夏官疏

謂之夏州 言取討夏徵舒之州 地官疏

十一年 先穀佐之 先穀食采於彘 正義

觀覺而動 覺閉也

文釋

周易有之在師 ䷆ 之臨 ䷒ 坎爲水坤爲衆又互體

震爲雷雷鼓類又爲長子長子帥衆鳴鼓巡水而行行師之象也臨兌爲澤坤爲地居地而俯視於澤臨下之義故名爲臨

莚子尸之 此禍也易師卦六五長子帥師弟子與尸凶長子帥師以中行也弟子與尸使不當也佐之於元帥弟子也而專以師濟使不當也軍必破敗而與尸

筓路藍縷

言其縷破藍藍然

竝正義

其君之戎分爲二廣廣有一卒卒偏之兩 左右廣

各十五乘百人爲卒言廣有一卒爲承也五十人

曰偏二十五人曰兩廣既有一卒爲承承有偏偏

有兩故曰卒偏之兩

夏官疏

左射以蔽 凡兵車之法射者在左御者在中戈楯

在右

兩馬掉鞅而還 兩飾也掉正也

射窳麗龜 龜背之隆高當心

晉勳錡求公族未得 錡魏犢子

使執車迎之 執車屯守之車

楚人悉之脫扃 扃橫木有橫木投於輪間一曰扃

車前橫木

鄭石劄實入楚師 入楚師使楚師來入鄭也 並正義

十年 公孫歸父 襄仲之子 魯世家注

十五年 高下在心 高下猶曲申也 御覽

登諸樓車 樓車所以窺望敵軍兵法所謂雲梯也

鄭世家注

子反懼與之盟 與華元私盟許為退師若孟任割

晉與魯莊公盟

正義

棄仲章而奪黎氏地 黎侯之國

鄭風疏

故文反正為乏 言人反正者皆乏絕之道也人反

德則妖災生妖災生則國亡滅是乏絕之道也

十六年 成周宣榭火 宣陽威武之處

竝正義

十八年 欲去三桓以張公室 三桓魯桓公之族仲孫

叔孫季孫

使我殺適立庶以失大援者仲也夫 援助也仲殺

適立庶國政無常鄰國非之是失大援助也

竝魯世家

注

左氏傳解詁卷三

漢 滎陽服虔注

宜黃余寬注

成公作五甲 司馬法云九夫為井四井為邑四邑

為丘有戎馬一匹牛三頭四丘為甸甸六十四井

出長轂一乘馬四匹牛十二頭甲士三人步卒七

十二人戈楯具備謂之乘馬

小雅疏

二請曲縣繁纓以朝 諸侯軒縣闕南方形如車輿

是曲也

春官疏

癸酉師陳於鞏

鞏齊地名

齊世家注

奉觴加璧以進 司馬法云其有殞命以行禮如會

所用儀也若殞命則左結旗司馬授飲右持苞壺

左承飲以進

正義正

且懼奔辟 辟扶亦反

釋文

盡東其畝而已 欲令齊隴畝東行

今吾子求合諸侯 數從諸侯征伐盟會

並齊世家注

吾苟有以藉口而復於寡君 今河南俗語治生求

利少有所得皆言可用藉手矣

六年 季文子以鞶之功立武宮 鞶之戰禱武公以求

勝故立其宮

並正義

沃饒而近鹽 土平有漑曰沃鹽鹽也土人鄉俗引

水裂沃麻分灌州野畦水耗竭土自成鹽即所謂

鹽鹺也而味苦號曰鹽田

水經注

子之佐十一人 樂書將中軍荀首佐之荀庚將上

軍士燮佐之卻錡將下軍趙同佐之韓厥將新中

軍趙括佐之鞏朔將新上軍韓穿佐之荀騅將新

下軍趙旃佐之

正義

七年使爲行人於吳 行人掌國賓客之禮籍以待四

方之使賓大客受小客之幣辭吳世家注

八年宋公使公孫壽來納幣 不稱主人母命不通故

稱使婦人無外事

武從姬氏畜於公宮 莊姬晉成公之女正義

九年季文子如晉致女 謂成昏也曾子問疏

十年晉侯夢大厲被髮及地 公明之鬼

膏之下 膏雖凝者為脂釋者為膏其實凝者亦曰

膏故內則云小切狼臑膏則此膏謂連心脂膏也

十一年 卻犖來聘且蒞盟 卻犖卻克從祖昆弟

十二年 寡人不佞 佞才也不才者自謙之辭也並正義

曹宣公卒於師 宣公曹伯盧也以魯成公十三年

會晉侯伐秦卒於師

負芻殺其太子而自立也 公子負芻在國聞宣公

率殺太子而自立故曰不義

子臧將亡 子臧負芻庶兄

並曹世家注

十五年 左師二司寇二宰遂出奔楚 魚石卿故書以

為四人非卿故不書

十六年 今楚內棄其民而外絕其好瀆齊盟而食話言

奸時以動而疲民以逞 外絕其好為刑不正邪也

食話言為義不建利也疲民以逞為信不守物也

並正

義

晉楚遇於鄢陵 鄢陵鄭之東南地也

晉世家注

皆曰國士在且厚不可當也

正義曰服虔以此皆曰之文在州犁賁皇之下

賁皇州犁皆言曰晉楚之士皆在君側且陳厚不

可當以為州犁言晉疆賁皇言楚疆故云皆曰也

其卦遇復

復反也陰盛於上陽動於下以喻小

人作亂於上聖人興道於下萬物復萌制度復理

故曰復也

射其元王中厥目 陽氣觸地射出為射之象 並正義

有秣草之跗注君子也 跗謂足跗注屬也袴而屬

於跗也 春官疏

子反命軍吏察夷傷 金剗為夷 正義

宣伯 叔孫喬如也 魯世家注

子叔申伯使叔孫豹請逆於晉師 叔孫豹先在齊

此時從國任在師聲伯令人就齊師使豹豹不忘

宗國聞白國佐為魯請逆

宋齊衛皆失軍 失其軍糧並正義

十七年 懼不敢占也 聲伯惡瓊瑰贈死之物故畏而

不言也秦風疏

十八年 辛巳朝於武宮服本作辛未○正義

襄公 敗其徒兵於洧上 洧水名鄭世家注

三年 組甲三百 組甲以組綴甲車士服之

建一官而三物成 所舉三賢各能成其職事

事君必辟難有罪不逃刑 謂敢斬揚干之僕是不

辟獲死之難

使佐新軍 於是魏頡卒矣使趙武將新軍代魏頡
升魏絳佐新軍代趙武也

四年武不可重 重猶大也言武事不可大任也

戎狄荐居 荐草也言狄人逐水草而居徙無常處
也

六年子罕善之如初 言子罕不阿同族亦逐樂轡以
正國法忠之至也及樂轡射其門畏從華弱之罰
復善樂轡如初是爲茹柔吐剛喪其志矣傳故舉
之明春秋之義善惡俱見

九年使皇鄖命校正出馬工正出車備甲兵庀武守

皇鄖皇父克石之後十世宗卿爲人之子大司馬
椒也車馬甲兵司馬之職使皇鄖掌此事皇鄖必
是司馬也按正主馬於周禮爲按人是司馬之屬
官也周禮司馬之屬無主車之官中車車僕職皆
掌車乃爲宗伯之屬昭四年傳云夫子爲司馬與
工正書服是諸侯之官司馬之屬有工正主車也
國有火災恐致姦寇故使司馬命此二官出車馬
備甲兵以防非常也傳言庀武守者甲兵器械藏

於府庫若今武庫使具其守守此武庫也此事輕
於車馬故後言之並正
義

以出丙火 火出於夏為三月於商為四月於周為

五月故云以春出也季秋昏時伏於戌火星入故

云以秋入也天官
疏

闕伯居商商 商商地名

相土因之 相土契之孫因之者代闕伯之後居商

正故湯以為天下號並商
頌疏

遇艮之八三 爻在初六九三六四六五上九惟六

二不變連山歸藏之占以不變者為占

棄位而姣版云姣如字○釋文

肆青圍鄭 肆青放鄭囚也正義

次於陰口而還 參南曰陰口者水口也水經注

國君十五而生子冠而生子 人君禮十二而冠

以先君之祧處之 曾祖之廟曰祧者以魯襄公於

時冠於衛成公之廟成公是衛今君之曾祖曰祧

也 祭法

且要盟無質神弗臨也 質誠也無忠誠之信故神

弗臨也

十
年
會吳子壽夢也 壽夢發聲吳蠻夷言多發聲數

語共成一言壽夢一言也經言乘傳言壽欲使學

者知之也

並正義

其將不免乎 免脫也言將不脫罪禍不以壽終也

傳舉此者爲十九年齊殺其大夫高厚二十五年

崔杼弑其君光起本也

聊人紇抉之以出門者 抉擻也謂以木擻抉縣門

使舉令下容人出也門者下屬爲句

親受矢石 古者以石為箭鏑國語云有隼集於陳

侯之庭楛矢貫之石斨是也

楚子囊鄭子耳伐我西鄙 不書諱從晉不能服鄭

旋復為楚鄭所伐恥而諱之也

子孔當國為載書以位序聽政辟 鄭舊世卿父死

子代今子孔欲擅改之使以次先為士大夫乃至

卿也 並正義

十 同盟於亳城北 服本作京城北○公羊疏

司慎司盟 二司天神司盟司慎不敬者盟司察盟

者覲禮

七姓十二國之祖 晉王盟不自數

鄭人賂晉侯以師攄師觸師蠲 三師鐘師罇磬師
攄能鐘觸能罇蠲能磬也

廣車軌車 軌車屯守之車也

八年之中九合諸侯 八年從四年以來至十一年
也九合諸侯五年會於戚一也其年又會於城棣
救陳二也七年會於鄆三也八年會於邢四也
九年會於戲五也十年會於柤六也又成鄭虎牢

七也十一年同盟於亳城北八也又會於蕭魚九

也並正義○晉世家注引此文無上十餘字

便蕃左右版本作平平平辨治不絕之貌小雅疏

年十三不猶愈乎愈猶病愈也

年十四不獲成焉不得成戰陳之事並正義

衛獻公戒孫文子甯惠子食皆服而朝日盱不召

孫文子林父也甯惠子甯殖也勅戒二子欲共宴

食皆服朝衣待命盱晏也

二子從之從公於囿

孫文子如戚 戚孫文子邑也

並衛世家注

鄆人執之 執追公徒者公如鄆故鄆人爲公執之

也正義

射兩鞬而還 鞬車軛也兩鞬兩邊又馬頸者

秦風疏

王室之不壞繫伯舅是賴

釋文壞服本作懷

懷柔也繫蒙

也賴恃也王室之不懷柔諸侯恃蒙齊桓之匡正

也正義

行歸於周萬民所望 逸詩也

正義云都人士首章有之禮記注亦言毛

詩有之今韓詩實無此首章時三家列於學官毛詩不得立故服以爲逸○小雅疏

十五年 屈蕩為連尹 連尹射官言射相連屬也 正義

富而後使復其所 富賣玉得富 天官疏

十六年 戊寅大夫盟 穀梁云不曰諸侯之大夫大夫

不臣也言惡大夫專而君失權也 正義

十七年 齊人獲臧堅齊侯使夙沙衛唁之 弔生日唁

以生見獲故唁之 衛風疏

拜君之辱抑君賜不終 言君義已故來唁之是惠

賜也謂已無死不以義望已是不終也

不如蓋之 蓋覆蓋之也言左師無鷹鷂之志而蓋

不義之人故尤之

左師為已短策 策馬捶也自為短策過華臣之門

助御者擊馬而馳惡之甚也必為短策者私助御

者不欲使人知也

並正義

十八年 吾驟歌北風又歌南風南風不競多死聲 北

風夾鍾無射以北南風姑洗南呂以南

左傳正義云服虔以

為卯酉以北律呂為北風以南為南風

南律氣不至故死聲多吹律

而言歌與風者出聲曰歌以律是候氣之管氣則

風也故言歌風

春官疏

十九年 顏懿姬無子其姪驪聲姬生光以爲太子 兄
子曰姪顏驪皆二姬母姓因以爲號懿聲皆諡傳
家從後言之故舉諡也

諸子仲子戎子 諸子諸妾姓子者仲子戎子皆宋
女

屬諸戎子 戎子子牙養母

廢常不祥 立嫡爲常立而廢之爲不祥也

問諸侯難 間犯爲光已列於諸侯難成

是專黜諸侯 專獨也光比於諸侯列於會盟不可

黜也

而以難犯不祥也 以難成之事犯不善

崔杼微逆光 微隱匿也

疾病而立之 立為太子 並御覽

婦人無刑 婦人從人者也故不為制刑及犯惡從

男子之刑也 正義

問守備焉以無備告揖之乃登 齊欲誅衛呼而下

與之言因可取之無為揖之復令登城彭仲博以

為齊侯號衛衛慙而下問守備焉問衛之守高堂

者衛無恩信故令守者以無備告齊侯善其言故揖之乃命士卒登城此說近之

二十一年子盍詰盜 盍何不也

二十二年臧武仲如晉 武仲非卿故不書

若不恤其患而以爲口實 口實謂譴讓也 並正義

楚觀起有寵於令尹子南 子南公子追舒 秋官疏

二十三年禮爲鄰國闕 鄰國尚爲之闕樂况舅甥之親

乎 聘禮疏

君子謂慶氏不義不可肆也 傳發此言爲不書慶

氏以陳叛爲楚所圍稱國以殺不成惡人肆其志也

唯魏氏及七輿大夫與之 下軍輿帥七人

欒魴傷欒盈奔曲沃 魴盈之子

啓宰成御襄罷師狼遽疏爲右 司馬法曰大前驅

啓乘車大晨倅車屬焉

張武軍於熒庭 張設旗鼓也

趙勝帥東陽之師以追之 東陽魯邑 並正義

美疾不如惡石 惡石砭石也

夫石猶生我 夫謂孟孫也正義

母或如東門遂不聽公命殺適 立庶 東門遂襄仲

也居東門故稱東門遂魯世家注

猶有先人之敝廬在下服虔以下言敝廬在下

作不順而施不恕也 不順謂阿季氏廢長立少也

不恕謂惡孟氏立庶也

二十 四年 太上有立德其次有立功其次有立言 立德

伏犧神農也立功禹稷也立言史佚周任臧文仲

也

象有齒以焚其身 焚讀曰債債僵也為生齒牙債

仆其身

部婁無松柏 喻小國無賢才智勇之人而與大國

等也

二十五年遇困_三之大過_三史皆曰吉 皆二卦妄也並正

乃為崔子間公 伺公間隙

公拊楹而歌 公以為姜氏不知已在外故歌以命

之也一日公自知見欺恐不得出故歌以自悔

不能聽命 言不能親聽公命

近於東宮 崔杼之宮近公宮淫者或詐稱公並齊世家注

陪臣于掇釋文服本于如字掇作誼 一曰于扞也誼謀也言受

崔子命扞禦謀淫之人正義

故君為社稷死則死之為社稷亡則亡之 謂以公

義為社稷死亡也如是者臣亦隨之死亡

若為已死而為已亡非其私暱誰敢任之 言君自

以已之私欲取死亡之禍則私近之臣所當任也

舍之得民 置之所以得人心並齊世家注

執簡以往 古文篆書一簡八字 聘禮疏

下車七乘 下車遣車也 正義 上公褻餼九牢遣車九

乘 檀弓疏

祝袞社司徒致民司馬致節司空致地乃還 祝與

司徒等皆是陳人各致其所至於子產

武也知楚令尹 令尹屈建也 並正義

當陳隧者并堙木刊 堙塞也刊削也 魯頌疏

二十六年辛卯殺子叔及太子角 殺太子角不書舉重者

專祿以周旋戮也 專祿謂以戚叛也既叛衛亦不

臣於晉自謂若小國是為專祿

並正義

賜子產次路再命之服先六邑 四井為邑

鄭世家注

取衛西鄙懿氏六十以與孫氏 六十邑

晉侯賦嘉樂 晉侯自嘉樂愚之甚也

並正義

赤而毛 其身色赤而生毛也

平公入夕 視夕也

而視之尤 尤過也意悅之視之過久

姬納諸御 納之平公之御

嬖生佐惡而媿太子瘞美而很 媿順也佐貌惡心

順太子貌美而心很很戾不從教

寺人惠牆伊戾 寺人宋闞士惠牆皆發聲實為伊

戾 左傳疏引作惠伊皆發聲實為牆戾 以公寺人為太子內師掌內

官

楚客聘於晉過宋 楚客道過宋

夫不惡女乎 夫謂太子伊戾無寵於太子故曰夫

不惡女

縱有其外莫共其內 言我內師也當共內使

加書徵之 以書爲之徵驗也書盟書

對曰欲速 速疾也欲疾代公得位故與楚客謀弑
其父也

則皆曰固聞之 固久也久聞太子欲爲亂

唯佐也能免我 佐內惡而外婉太子不知而謂其
能免我實不然也

左師聞之 聞太子與佐期日中

乃縊而死 經書宋公殺其世子痤平公用伊戾之

諳信夫人左師之言世子無罪而死故稱宋公殺

罪之也並御

以登其城克而取之 取魯高魚及反之皆不書蓋

諱之

二十七年公喪之如稅服終身

釋文稅服音吐外反

衰麻已除日

月已過乃聞喪而服是為稅服之輕者

仲尼使舉是禮也以為多文辭 以其多文辭故特

舉而用之後世謂之孔氏聘辭以孔氏有其辭故

傳不復載也

伯夙謂趙孟 伯夙晉大夫

故不書其族言違命也 叔孫欲尊晉國不爲人私
雖以違命見貶其於尊國之義得之

趙孟爲客 楚君恒以大夫爲賓者大夫卑雖尊之
猶遠君也楚先歆爲盟主故尊趙孟爲客

宜其光輔五君以爲盟主也 文公爲戎右襄靈爲
大夫成公爲卿景公爲大傅也

請免死之邑 向戌自以止兵民不戰鬥自矜其功

故求免死之賞也

並正義

以誣道蔽諸侯

釋文蔽服本
作弊婢世反

弊踏也一曰罷也

二十八年以有時菑陰不堪陽 歲為陽亥拐為陰戌乘

陰進至京枵陰不勝陽故溫無冰

楚不幾十年未能恤諸侯也 此行也楚康王卒至

昭四年楚靈王合諸侯於申距今八年故曰不幾

十年

舍不為壇服本作壇 除地為壇並正義

慶舍蒞事 舍慶封之子也生傳其職政與子齊世家注

吳句餘予之朱方 句餘餘祭也

二十九年祗見疏也 祗適也並正義

榮成伯賦式微 言君用中國之道疏邶風

不尙取之 不尙尙也尙當取女叔侯殺之

毋寧夫人而焉用老臣 毋寧寧也寧自取夫人將

焉用老臣乎

吳公子札來聘 夷末新卽位使來通聘並正義

請觀於周樂 周樂魯所受四代之樂也吳世家注

始基之矣猶未也 未有雅頌之成功周南疏

爲之歌邶鄘衛 鄘在紂都之西邶風疏○又引地理志云武王崩三

監叛周公誅之盡以其地封弟康叔號曰孟侯遷邶鄘之民於浴邑故邶鄘衛三國之詩相與同風

如志之言則康叔初卽兼彼二國非子孫矣服虔依以爲說

爲之歌王 王室當在雅衰微而列在風故國人猶

尊之故稱王猶春秋之王人也

其周之東乎 平王東遷雒邑

並吳世家注

爲之歌鄭 鄭東鄭古檜國之地

鄭風疏

其細已甚民弗堪也 其風細弱已甚攝於大國之

間無遠慮持久之風故曰民弗堪將先亡也

美哉泱泱乎大風也哉 泱泱舒緩深遠有太和之

意其詩風刺辭約而義微體疏而不切故曰大風

國不可量也 國之興衰世數長短未可量也 並吳世家

注

此之謂夏聲 秦仲始有車馬禮樂之好待御之臣

戎車駟牡田狩之事其孫襄公列為秦伯故有兼

葭蒼蒼之歌終南之詩追錄先人車鄰駟鐵小戎

之歌與諸夏同風故曰夏聲 秦風疏

自鄆以下無譏焉 鄆以下及曹風也其國小無所

刺譏 吳世 檜是陸終第四子求言後 檜風疏

為之歌小雅 自鹿鳴至菁菁者莪道文武修小政

定大亂致太平樂且有儀是為正小雅小雅

其周德之衰乎 此歎變小雅也其意言思上世之

明聖而不貳於當時之王怨當時之政而不有背

叛之志也其周德之衰微乎疑其幽厲之政也正義

為之歌次雅 陳文王之德武王之功自文王以下

至鳧鷖是為正大雅大雅疏

遷而不淫 遷徙也文王徙鄆武王又徙吳世家注

見舞象箭南籥者 象文王之樂舞象也箭舞曲名

言天卜樂削去無道周頌疏

左氏傳解道

美哉猶有憾 憾恨也恨不及已以伐紂而致太平

也

而猶有慙德 慙於始伐而無聖佐故曰聖人之難

也

美哉勤而不德 禹勤其身以治水土也

見舞韶箭者曰德至矣哉大矣 韶箭有虞氏之樂

大韶也至帝王之道極於韶也盡美盡善也

若有他樂吾不敢請已 周用六代之樂堯曰咸池

黃帝曰雲門魯受四代下周二等故不舞其二季

札知之故曰有他樂吾不敢請

于速納邑與政 入邑與政職於公不與國家之事
慎之以禮 禮所以經國家利社稷也

聞鐘聲焉 孫文子鼓鐘作樂也

辯而不德必加於戮 辯若鬪辯也夫以辯爭不以
德居之必加於刑戮也

終身不聽琴瑟 聞義而改也琴瑟不聽况於鐘鼓

乎

晉國其萃於三族乎 言晉國之祿將集於三家

吾子好直 直不能曲撓以從衆

並吳世家注

年三十穆叔問王子之為政何如

釋文服本作問王子圍之為政

王

子楚令尹王子圍也

吏走問諸朝 吏不知厥數故走問於卿大夫

而廢其輿尉 輿尉軍尉主發衆使民

鳥鳴於亳社 殷宋之祖也故鳴其社伯姬魯女欲

使魯往悟伯姬也

甲午宋大災宋伯姬卒 經不書大非災火及人伯

姬坐而待之耳

大夫敖

釋文服本作放

言大夫淫放

並正義

三十一年立敬歸之嫡齊歸之子公子稠

胡歸姓之國

也齊謚也

有母弟則立之無則立長 無母弟則立庶子之長

猶有童心 言無成人之志而有童子之心

並魯世家注

以羸諸侯

服讀為盈

盈受也

延州來季子其果立乎 延延陵也州來邑名季子

讓王位升延陵為大夫食邑州來傳家通言之

令尹似君矣 言令尹動作以君儀故云似君矣

並正義

義我

漢魏遺書金卷三

三

左氏傳解詁卷四

漢 滎陽服虔注

奉新余用賓校

昭公 元年 圍布几筵告於莊共之廟而來 莊謂莊王圍

之祖共謂共王國之父 聘禮疏

公子圍設服離衛 二人執戈在前在國居君離宮

陳衛在門

蒲宮有前不亦可乎 蒲宮楚君離宮言令尹在國

已君君之宮出有前戈不亦可乎

吾代二子愍矣 愍憂也代伯州犁憂公子圍代子

羽憂子哲

周有徐奄 一曰魯公所伐徐戎也

吾與子弁冕端委以治民臨諸侯禹之力也 禮衣

端正無殺故曰端文德之衣尙褻長故曰委

爲五陳以相離兩於前伍於後專爲右角參爲左角
偏爲前拒 司馬法云五十乘爲兩百二十乘爲伍

八十一乘爲專二十九乘爲參二十五乘爲偏彼
皆準車數多少以爲別名此傳去車用卒而有此

名則此名不以車數爲別也

並正義

遷闕伯於商正主辰商人是因辰大火主祀商人
契之先湯之始祖相土封闕伯之故地因其故國
而代之

遷質沈於大夏主參大夏在汾澮之間主祀參星

並鄭世家注

唐人是因唐人謂劉累也

其季世曰唐叔虞叔虞邑姜所生也

並正義

當武王邑姜方震大叔邑姜武王后齊太公之女

也晉世家注

夢帝謂已 已武王也 正義

昔金天氏有襄子曰昧為玄冥師生允格臺駘 金

天少皞也玄冥水官也師長也昧為水官之長允

格臺駘兄弟也臺駘能修昧之業

障大澤以處太原帝用嘉之 陂障其水也大原汾

水名帝顓頊也

山川之神則水旱厲疫之災於是乎禳之 禳為營

攢用幣也若有水旱則禳祭山川之神以祈福也

並鄭世
家注

勿使有所壅閉湫底以露其體 湫著也底止也 文釋

陰陽風雨晦明也 風東方兩西方陰中央晦北方

明南方唯天陽不變 小雅疏

甲辰朔烝於澗 甲辰朔夏十一月朔也 正義祭人君

用孟月人臣用仲月 王制疏

二年季氏有嘉樹焉宣子譽之 譽游也宣子游其樹

下夏諺曰一游一譽為諸侯度

少姜有寵於晉侯晉侯謂之少齊 所以寵異不與

齊眾女子等齊國如此好女甚少 並正義

晉侯使郊勞 近郊三十里 魯頌疏

三年火中寒暑乃退 火大火星也季冬十二月平日

正中在南方大寒退季夏六月黃昏火星中大暑

退 幽風疏

焜耀寡人之望 焜明也耀照也言得備妃嬪之列

照明已之意望也 正義

公聚朽蠹而三老凍餒 三老工老商老農老也 釋文

民人痛疾而或煨休之 煨休痛其痛而念之若今

時小兒痛父母以口就之日煨休代其痛也

其相胡公大姬已在齊矣 相隨也

讒鬲之銘 讒鬲疾讒之鬲明堂位所云崇鬲是也

一云讒地名禹鑄九鬲於甘讒之地故曰讒鬲

子豐有勞於晉國 鄭僖公之為大子子豐與之俱

適晉

四年滕子 齊景亡滕 並正義

三塗 大行轅轅嶠澗也 水經注

古者日在北陸而藏冰西陸朝覲而出之 火出於

夏為三月於商為四月於周為五月自命夫命婦

至於老疾無不受冰陸道也北陸言在謂十二月
日在危一度西陸朝覲不言在則不在昴謂二月

日在婁四度謂春分時奎婁晨見東方而出冰

疏。左傳疏引服虔云二月日在婁四度春分

中奎始朝見東方以是時出冰月令仲春天子

獻羔啓

冰是也

朝之祿位 謂大夫以上

黑牡秬黍以享司寒 司陰之神玄冥也將藏冰致

冥氣故禮其神

並幽風疏

桃弧棘矢以除其災 桃所以逃凶也棘矢者棘有

箴取其名也蓋出冰之時置此弓矢於凌室之戶所以攘除凶邪將御至尊故慎其事為此禮也此傳言其出之也雖覆上文出之之文其實此出之

謂二月初出之時公將用之故設弓矢也正義

秋無苦雨 害物之雨民所苦也小雅

康有鄠宮之朝 鄠宮成王廟所在也楚世家注

王曰吾用齊桓 召陵之役齊桓退舍以禮楚靈王

今感其意是以用之

寡君將墮幣焉 墮輸也言將輸受宋之幣於宗廟

義正

商紂為黎之蒐 黎東夷國名也子姓楚世家注

鄭子產作正賦 子產作正賦者賦此一正之田使

之出一馬三牛復古法耳正賦之法不行久矣今

子產復修古法民以為貪故謗之正義正

饗大夫以落之 釁以豶豚為落小雅疏

五年卿喪自朝魯禮也 言卿葬三辭於朝從朝出正

門卿佐國之楨榦君之股肱必過於朝重之也正義正

使亂大從 使亂大和順之道也釋文

明而未融其當且乎

融高也謂日高也

齊風疏

享頌有璋

釋文服氏以享為獻

小有述職大有巡功

諸侯適天子曰述職謂六年

一會王官之伯命事考績述職之事也

曹風疏

殮有陪鼎

陪牛羊豕鼎故曰陪鼎

羊舌四族

伯華叔向叔魚季夙也

並正義

何不可之有

正義云啓疆發首言可此云何不可之有言其可也彤虔云何不可之有如是

大不識文勢

遠啓疆待命於雩婁

雩婁楚之東邑

吳世家注

年六三辟之興皆叔世也 政衰為叔世叔世踰於季

世季世不能作辟也

儀式刑文王之德日靖四方 儀善也式用也刑法

也靖謀也言善用法文王之德日日謀安四方

儀刑文王萬邦作孚 善用法者文王也言文王善

用其法故能為萬國所信也

藏爭辟焉 鑄鼎藏爭辟故今出火與五行之火爭

明故為災在器故稱藏也

不抽屋不强旬 抽裂也言不毀裂所舍之屋也旬

乞也不就人強乞也

七年士臣阜阜臣輿輿臣隸隸臣僚僚臣僕僕臣臺

阜造也造成事也輿衆也佐阜舉衆事也隸隸屬

於吏也僚勞也共勞事也僕僕豎主藏者也臺給

臺下微名也

並正義

作僕區之法 僕隱也區匿也為隱匿亡人之法也

釋文

好以大屈 大屈寶金可以為劔左傳疏引一曰大

屈弓名魯連書曰楚子享魯侯於章華與之大曲

之弓既而悔之大屈殆所謂大曲之弓

魯世家注

賜予產莒之二方鼎 鼎三足則圓四足則方

正義

聖人之後也 聖人謂商湯

孔子世家注

其祖弗父何以有宋而授厲公 弗父何宋潛公世

子厲公之兄也以有宋言潛公之適嗣當有宋國

而讓與弟厲公也

商頌疏

及正考父 弗父何之曾孫

一命而僂再命而偃三命而俯 僂偃俯皆恭敬之

貌也

並孔子家世注

歲時日月星辰是謂也 歲星之神也左行於地十

二歲而一周時四時也日十日也月十二月也星

二十八宿也辰十二辰也是為六物小雅疏

孔成子 衛卿孔烝鉏也衛世家注

八年不言於晉魏榆 魏邑也榆州里名釋文

將往又數人告於道遂如陳氏將往者欲 到陳氏

問助子良攻我意

輿嬖表克殺馬毀玉以葬 一日馬陳侯所乘馬玉

陳侯所佩玉故殺馬毀玉不欲使楚得之並正義

陳顓頊之族也 陳祖虞舜舜出顓頊故為顓頊之

族 陳杞世
家注

九年春叔弓宋華亥鄭游吉衛趙厲會楚子於陳 此會

宋鄭衛之大夫不書叔弓後也

蒲姑商奄 蒲姑商奄濱東海者也蒲姑齊也商奄

魯也

宣王說王有姻喪 婦之父曰姻王之后喪父於王

亦有服義故往弔

夏四月陳災 愍陳不與楚故存陳而書之言陳尙

爲國也

火水妃也 火離也水坎也易卦離爲中女坎爲中

男故火爲水妃也

並正義

使荀躒佐下軍以說焉

荀躒知文子

趙世家注

孟僖子如齊殷聘禮也

殷中也自襄二十年叔老

聘於齊至今積二十一年聘齊故中復盛聘

秋官疏

十請斷三尺焉而用之

斷三尺使至於較大夫旗

至較

冬官疏

視民不佻

示民不偷薄也

小雅疏

年十二 晉伐鮮虞 穀梁曰其曰晉狄之也不正其與

夷狄交伐中國故狄稱之也

正義云賈服取以爲說杜顯而異之

已乎已乎非吾黨之士乎 已乎決絕之辭則謂歌

者自言已意可已乎已乎此南蒯今已非是吾黨

之士

並正義

求萬以爲分 有功德受分器

筭路籃縷 葦路柴車素大輅也籃縷言衣做壞其

葦籃籃然也

跋涉山林 草行曰跋水行曰涉

桃弧棘矢 桃弧棘矢所以禦其災言楚地山林無

所出也

齊王舅也 齊呂伋成王之舅

昔我皇祖伯父昆吾舊許是宅 陸終氏六子長曰

昆吾少曰季連季連楚之祖故謂昆吾爲伯父也

昆吾魯居許地故曰舊許是宅也

十三年 以聽國人 聽國人欲爲誰

王恣夏將欲入鄢 鄢楚別都也

吾父再好王命 謂斷王旌執人於章華之宮

獲其五帥 五帥蕩侯潘子司馬督囂尹午陵尹喜
乃使爲卜尹 卜尹卜師大夫官

康王跨之 兩足各跨壁一邊

同惡相求如市賈焉 謂國人共惡靈王者如市賈
人求利也

無與同好誰與同惡 言無黨於內當與誰共同好
惡

可謂無謀 言靈王尙在而妄動取國故謂無謀
私欲不違 不以私欲違民心

齊桓晉文不亦是乎 皆庶子而出奔

有國高以為內主 國子高子皆齊之正卿

從善而流 言其疾也

惠懷棄民

皆棄民不恤

並楚世家注

使諸侯歲聘以志業間朝以講禮再朝而會以示威

再會而盟以顯昭明

正義云賈逵服虔皆以為朝天子之法王制疏

鄭伯男也 鄭伯爵在男服也

貢之無藝 藝極也一曰常也

十四 盟費人司徒老祁慮癸 司徒姓也老祁字也

慮癸亦姓字也二子季氏家臣也

宥孤寡 宥寬赦其罪也

乃施邢侯 施罪於邢侯施猶劾也邢侯亡故劾之

不為末滅 正義云服虔讀滅為咸下屬為句 不為末者不為末繫

隱蔽之也咸曰義也言人皆曰叔向是義

十五年 吾見赤黑之禋 水黑火赤水火相遇故為禋

禮王之大經也 經常也常所當行也

十六 幾為之笈而不陵我 幾近也孔張失位近為

所笈

刑之頗類

正義云服虔讀頗為類

頗偏也類不平也

立於朝而祀於家 祀其所自出之君於家以為大

祖

其祭在廟 謂孔張先祖配廟食

非不能事大字小之難

正義云服虔斷字小之難以下為義

字養也

言事大國易事小國難

不亦銳乎 銳拆也

十七年昔者黃帝氏以雲紀故為雲師而雲名 黃帝

受命得景雲之瑞故以雲紀事以雲名官春官為

青雲氏夏官爲縉雲氏秋官爲白雲氏冬官爲黑
雲氏中官爲黃雲氏炎帝以火名官春官爲大火
夏官爲鶉火秋官爲西火冬官爲北火中官爲中
火共工以水名官春官爲東水夏官爲南水秋官
爲西水冬官爲北水中官爲中水大皞以龍名官
春官爲青龍氏夏官爲赤龍氏秋官爲白龍氏冬
官爲黑龍氏中官爲黃龍氏

五緯爲五工正利器用正度量夷民者也 年者夷
也夷平也使度量器用乎也

九扈爲九農正。九扈春扈頽鷗夏扈竊玄秋扈竊

藍冬扈竊黃棘扈竊丹行扈喑喑霄扈噴噴桑扈

竊脂老扈鷓鷃並正義

自顓頊以來不能紀遠乃紀於近爲民師而命以民
事則不能故也 自少皞以上天子之號以其德百

官之紀以其徵自顓頊以來天子之號以其地百

官之紀以其事月令疏

晉荀吳帥師涉自棘津 棘津猶孟津也水經注

今茲火出而章必火入而伏服本作火出而章必火入而伏重火字別句

○正義

若火作其四國當之服本下有六物之占四字○按蜀石經本及御覽所引並同蓋

據服本

如此

十八年宋衛陳鄭皆火四國次有火氣也正義正

梓慎登大庭氏之庫以望之大庭氏古亡國之君

在黃帝前其處高顯地官疏

弗良及也弗良及者不能及也良能也

鄙人藉稻藉耕種於藉田也

今執事擗然擗然猛貌也並正義

十九費無極 楚大夫

楚世家注

許悼公瘡 悼公靈公之子許男買瘡寒疾也

書曰弑其君 禮醫不三世不使君有疾飲藥臣先

嘗之親有疾飲樂子先嘗之公疾未瘳而止進藥

雖嘗而不由醫而卒故國史書弑以告於諸侯

太子建居於城父 城父楚北境

楚世家注

其一二父兄懼隊宗主 柘主藏於宗廟故曰宗主

少牢饋食大夫禮也大夫無主何所隊乎

寡君與其二三老 二三老駟偃家臣

二十一年春王二月己丑日南至 梓慎知失閏二月冬

至故獨以二月望氣

奮揚使城父人執已以至 城父人城父大夫也

相從為愈 相從愈於共死 並正義

彼將有他志 謂欲取國也 吳世家注

賓將擷 杜子春作趣讀為造 次之造賈服讀為擷 謂行夜也 夏官疏

琴張聞張魯死 琴張鄭眾賈逵皆以為子張即顓

孫師案七十子傳云子張少孔子四十餘歲孔子

是時四十知未有子張鄭賈之說不知所出

盍誅於祝固史噐以辭賓 祝固齊大祝史噐大史也謂祝史之固陋噐闕不能盡禮薦美至於鬼神怒也其意以爲請誅祝史之噐闕固陋者噐固非人名也

上下無怨 上下謂人神無怨 並正義

山林之木衡鹿守之澤之萑蒲舟鮫守之藪之薪蒸虞候守之海之鹽蜃祈望守之 衡鹿舟鮫虞候祈

望皆官名也守之令民不得取之不共利時景公設此守以致疾故晏子所非非其不與民同 地官疏

一氣 歌氣也 釋文

七音 七律為七器音黃鍾為宮林鍾為徵太簇為

商南呂為羽姑洗為角應鍾為變宮蕤賓為變徵

春官 疏

二十 亟言之 亟疾也疾言之欲使信 正義

先人有奪人之心 戰氣未定故也

後人有待其衰 待敵之衰乃攻 並夏官疏

而不能送亡君 釋文絕句正義曰 服虔以君上屬

不狎鄙 狎更也子城謂華豹曰不更射為鄙一曰

城言我不狎習故鄙並正義

二十自憚其犧也 犧者以喻人之有純德且宜為

君地官疏

王弗應 賈逵以為太子壽卒景王不立適子正義云服

為然賈

司徒醜以王師敗績於前城 前讀為泉周地也水經

注

三十使各居一館 賈逵云使邾魯大夫各居一館

鄭眾云使叔孫子服回各居一館賈說近之正義

先君之力可濟也 獻公亦欲立子猛不欲令子朝
得國今南宮極震死爲天所弃先君之功事可成
也

乃繼於遠澨

或謂之邑或謂之地

水經注

明其伍候

正義曰賈服王董皆作五候

二十二年春王二月丙戌仲孫貜卒 賈逵云是歲孟僖

子卒屬其子使事仲尼仲尼時年三十五

正義

紂有億兆夷人 夷人夷狄之人也

周書泰誓上疏

遂滅巢及鍾離而還 鍾離州來別邑

吳世家注

二十桐門右師見之 右師宋師樂大心也其室居

桐門故曰桐門右師 夏官疏

五牲三犧 五牲麋鹿熊狼豕也三犧鴈鶩雉也

正義

有鸛鶴來巢書所無也 周禮曰鸛鶴不踰齊今踰

宜穴而又巢故曰書所無也 冬官疏

季氏介其雞郈氏爲之金距平子怒益宮於郈氏

擣芥子播其雞羽可以全郈氏雞目 左傳疏引郈此作賈注

氏以金踏距平子怒其不下已也侵郈氏之宮地

以自益

季臧氏老 老臧氏家之大臣

請囚於費弗許請以五乘亡弗許 費季氏邑言五

乘自省約以出 並魯世家注

公徒釋甲執冰而踞 冰積九蓋也 鄭風疏○左傳疏引作賈注

二十六年春王正月庚申齊侯取鄆 往年齊侯取鄆實

圍鄆耳經於圍書取傳實其事故於是言取 正義

然據有異焉 異猶怪也 魯世家注

劉子以王出 出成周也 正義

是亂國而惡君王也 廢而不立是謂亂國追惡君

王也

國有外援不可黷也 外援謂太子任秦之外孫黷

易也秦為任外援不可易

昔武王克殷 那本作文 武克殷 文王受命武王伐紂故云

文武克殷 正義

諸侯釋位以間王政 言諸侯釋其私政而佐王室

也 魏志武 帝紀注

規求無度 規服本 作玩

玩貪也 正義

英密院貴書鈔 左氏傳解詁

木

其誰有此乎 景公自恐德薄不能久享齊國故曰

誰有此也

齊世家注

二十二年使延州來季子聘於上國 上國中國也蓋以

吳辟在東南地勢卑下中國在其上流故謂中國

為上國也

正義

遂聘於晉以觀諸侯

察其疆弱

吳世家注

楚莠尹然王尹廩帥師救潛 王尹王宮內之政

正義

此時也 此時言可殺王時也

上國有言 上國謂上古之國賢士所言也

正義

不索何獲 不索當何時得也

吳世家注

我王嗣也 夷昧生光而廢之僚者夷昧之庶兄夷

昧卒僚代立故光曰我王嗣也

正義

母老子弱 母老子弱專諸託其母子於光也

是無若我何 猶言我無若是何

我爾身也 我言身猶爾身也

鱗設諸賓劔於魚中以進 全魚炙也

以待天命 待其天命之終也

復命哭墓 復命於僚哭其墓也

並吳世家注

取五甲五兵 兵戟也

遂弗熱也令尹炮之 民弗肯熱也鄢將師稱令尹

使女燔炮之燔炮蒸皆是燒也

使宰獻而請安 請安謂主人使司正請安於賓並

義

二十八年昔有仍氏生女黥黑毛詩引而甚美光可以鑑

名曰京妻 髮美為鬢詩云鬢髮如雲言其美長而

黑以髮美故曰京妻鄘風

忿類無期釋文服本作類 忿怒其類以屢其私無期度也

正義

心能制義曰度。心能制事使得其宜言善揆度事也。

德正應和曰莫。在己為德施行為正發號施令天下皆應和之言皆莫然無讎譁也。

昭臨四方曰明。豫見安危也。

教誨不倦曰長。教誨人以善不懈倦言善長人。以道德也。

慈和徧服曰順。上愛下曰慈。和中和也。為上而愛。

下行之以中和天下徧服從而順之

釋善而從之曰比 比方損益古今之宜而從之

經緯天地曰文 德能經緯順從天地之道故曰文

並大雅疏

不夕食 昨顧酒醉故不夕食

二十九年齊侯使高張來唁公稱主君 大夫稱主比公

於大夫故稱主君 魯世家注

故國有豢龍氏有御龍氏 豢養也穀食曰豢御亦

養也養馬曰圉禮養大豕曰豢知其以穀養豢龍

亦食穀也御與圉同言養龍猶養馬故稱御

河漢各二

釋文服本作河漢各二乘

四頭為乘四乘十六頭也

並正

義

其後有劉累

劉累之為諸侯者夏后賜之姓

夏本

注 統

官宿其業

宿思也今日當預思明日之事如家人

宿火矣

其同人 ䷌

天在上火炎上同於天天不可同故曰

同人 並正 義

遂濟窮桑 濟渡也言四叔子孫世不失職遂渡少

暉之世

周官疏○左傳疏引作賈注

遂賦晉國一鼓鐵以鑄刑鼎 鼓量名也曲禮曰獻

米者操量鼓取晉國一鼓鐵以鑄之

正義

蔡史墨

晉史蔡墨也

魯世家注

三、不先書鄆與乾侯非公且微過也 非公且微

過昭公無道久在外季氏非公不肯釋言公在某

地春秋之義亦以不書微季氏之過此言書者公

不得入晉外內有困辱季氏閔而釋之所謂事君

如在國正義

三十一年十二月辛亥朔日有食之是夜也趙簡子夢章

子麻而轉以歌旦占諸史墨曰吾夢如是今而日食

何也對曰六年及此月也吳其入郢乎終亦弗克入

郢必以庚辰日月在辰尾庚午之日始有謫火勝

金故弗克是歲歲在析木後六年在太梁大梁水

宗十一月日在星紀爲吳國分楚之先顓頊之子

老童老童楚象行歌象楚走哭姬姓日日在星紀

星紀之分姬姓吳也楚衰則吳得志吳世世與楚

怨楚走去其國故曰吳其入郢吳屬水水數六十
月水位故曰六年及此月也有適而食故知吳終
亦不克後六年定四年十一月閏餘十七閏在四
月後其十一月晦庚辰吳入郢在立冬後復此月
也十二月辛亥日會月於龍尾而食庚午日初有
適故曰庚辰一曰日月在辰尾尾爲亡臣是歲吳
始用子胥之謀以伐楚故天垂象午火庚金也火
當勝金而反有適故爲不克晉諸侯之霸與楚同
盟趙簡子爲執政之卿遠夷將伐同盟日應之食

故夢發簡子

三十二年 史墨曰不及四十年越其有吳乎越得歲而吳

伐之必受其凶 歲在星紀吳越之分野蔡復之歲

歲在大會距此十九年昭十五年有事於武宮之

歲龍度天門龍歲星也天門在戌是歲越過故使

今年越得歲龍東方宿天德之貴神其所在之國

兵必昌向之以兵則凶吳越同次吳先舉兵故凶

也或歲星在越分中故云得歲史墨知不及四十

年越有吳者以其歲星十二年一周天存亡之數

不過三紀三者天地人之數故歲星三周星紀至

亥枵哀二十二年越滅吳至此三十八年並春官疏

定公君行師從 謂會同小雅疏

殷民六族 殷民祿父之餘民三十族六姓也條氏

徐氏蕭氏索氏長勺氏尾勺氏秋官疏

備物典策 備物國之職物之備也當謂國君威儀

之物若今織扇之屬備賜魯也正義

分康叔以大路少帛精苳旃旌大呂 復如分周公

欲使康叔以化之

職官五正 五正五官之長

並秋官疏

若之何其使蔡先衛也 載書使蔡在衛上

管蔡世家注

楚子取其妹季芊畀我以出涉睢 季芊許嫁而字

畀我季芊弟也禮婦人許嫁笄而稱字季芊稱字

是許嫁也蓋遭亂夫死而改適鍾建耳

義

王奔鄖 鄖楚縣

失世家注

平王殺吾父 父曼成然

楚世家注

以王奔隨 隨楚與國也

吳世家注

申包胥如秦乞師 楚大夫王孫包胥

楚世家注

八年我無勇吾志其目也 志中其目是非其誠詐以

自矜大射儀疏

順祀先公而祈焉 自躋僖公以來昭穆皆逆禮器疏

陽虎入於謹陽關以叛 陽關魯邑魯世家注

九年九督幘而衣狸製 狸製狸裘也陶風疏

齊侯謂夷儀人曰得敵無存者以五家免 是時齊

克夷儀而有之既為齊有故齊得優其為役也然

夷儀故邢都也邢滅入衛後乃屬晉自齊而伐夷

儀其人晉竟深矣不必永為齊有當時暫得之耳

正義

十年公會齊侯於祝其實夾谷 東海祝其縣是也齊世

家注○水經注引服虔云地二名

犧象不出門嘉樂不野合 犧象饗禮犧尊象尊也

嘉樂鐘鼓之樂也小雅疏

齊人來歸鄆讎龜陰之田 三田汶陽田也龜山名

陰之田得其田不得其山也

十二年將墜三都 三都三家之邑也

公與三子入於季氏之宮 三子孟孫叔孫季孫也

人及公側 人有及公之臺側

仲尼命申句須樂頎下伐之 申句須樂頎魯大夫

公歛處父

成宰也

並孔子世家注

十三年 歸我衛貢五百家 往年趙鞅圍衛衛人恐懼

故貢五百家鞅置之邯鄲又欲更徙於晉陽

歸告其父兄 午之諸父兄及邯鄲中長老

趙稷潞賓以邯鄲叛 稷午子

逐范吉射而以范臯夷代之 臯夷范氏之側室子

韓魏以趙氏為請 以其罪輕於荀范也

並趙世家注

哀公元年使疆於江汝之間而還 蔡使楚進疆於故江

國與汝水之間其意言蔡割地以賂楚也正義正

使大夫種因吳大宰嚭以行成 行成求成也

滅夏后相 相啓之孫

生少康焉 后緡遺腹子

撫其官職 因此基業稍收取夏遺民餘衆撫修夏

之故官憲典也

祀夏配天不失舊物 以鯀配天也物職也並吳世家注

越十年生聚而十年教訓 令少者無娶老婦老者

無娶少婦女十七不嫁男二十不娶父母有罪也
將生子以告與之盥饋之餼也死者釋其征必哭
泣葬埋如其子也孺子遊者必鋪歆之也非手所
種夫人所織不用十年不收於國

在軍熟食者分而後敢食 以其半分軍士而後自
食其餘若筮醪注流也

二年叔孫州仇仲孫何忌及邾子盟於句繹 季孫尊

卿敵服先歸使二子與之盟穀梁傳曰三人戰而
二人盟何各盟其得也其意言季孫不得田故不

與盟也

正義

郢不足以辱社稷 郢自謂已無德不足立以汚辱

社稷

衛世家注

三揖在下 三揖卿大夫士土揖庶姓時揖異姓天

揖同姓

正義

八人衰經 衰經為若從衛來迎太子也

衛世家注

志父無罪君實圖之 趙鞅入於晉陽以叛諸侯之

策書曰晉趙鞅以叛既復更名志父或當然也楚

公子圍弑君取國改名曰虔經即書虔公子棄疾

弑君取國改名曰居經卽書居今趙鞅改名志父
經書猶云趙鞅者彼楚子旣爲國君臣下以所改
之名告於鄰國故得書所改之名趙鞅人臣國家
不爲之諱仍以趙鞅名告故書鞅也鞅言君實圖
之言已事齊君當謀其賞也簡子言此君當謀其
賞者言君當賞其在下副上所誓之言欲使在下
信之非欲自求賞也

邾無恤御簡子 無恤王良也孟子說王良善御之
事古者車駕四馬御之爲難故爲六藝之一王良

之善御最有名於書傳多稱之

並正義

三年命藏象魏曰舊章不可忘也 象魏闕也法令縣

之朝謂其書為象魏

其桓僖乎 季氏出桓公又為僖公所立故不毀其

廟俱在迭毀故不言及正義桓僖當毀而魯事非禮

之廟故孔子聞有火災知其加桓僖也

孔子世家注

召正常正常不反 召而問兒死意

正義

四年襲梁及霍 梁霍周南鄙也

水經注

五年齊燕姬 燕姬齊景公之嫡夫人昭七年燕人所

歸

諸子鬻如之子荼嬖 諸子諸公子鬻如景公妾淳

于人所納

諸大夫恐其爲子也言於公曰君之齒長矣未有
子若之何 爲子爲大子也荼少故恐立之言君長
未有天子一旦不諱當若之何欲齊侯早立長也
公曰二三子間於憂虞則有疾疾亦姑謀樂何憂於
無君 言二三子當國家閒暇無憂虞恐疾疹在其
間今無疹疾何爲不自謀樂何憂無君乎

寘羣公子於萊 寘置也萊齊東鄙邑欲使寘齊

萊人歌之曰景公死乎不與埋三軍之事乎不與謀

師乎師乎何黨之乎 萊人見五公子遠遷鄙邑不

得與景公葬埋之事及國三軍之謀故愍而歌師

衆也黨所也言公子徒衆何所適也 並齊世家注

六年 潛師閉塗迎越女之子章立之而後還 閉塗不

通外史也越女昭王之妾 楚世家注

楚子使問諸周太史 諸侯皆有太史主周所賜典

籍故曰周太史一曰是時往問周太史 正義

三代命祀祭不越望 謂所受王命祀其國中山川

為望 楚世家注

惟彼陶唐率彼天常有此冀方 堯居冀州虞夏因

之不遷居不易民其陶唐虞夏之都大率相近不

出河東之界故書責大康亡失 魏風疏

七年知必危何故不言 孟孫謂諸大夫誠知伐邾必

危何故不早言也

初曹人或夢衆君子位於社宮 衆君子諸國君也

耳 並正

義

十年吳子三日哭於軍門之外 諸侯相臨之禮 吳世家注

侵及賴而還 賴齊邑 齊世家注

十一年屬其子於鮑氏為王孫氏 鮑氏齊大夫

使賜之屬鏤以死 屬鏤劔名賜使自刎 並吳世家注

孔文子 衛卿也 孔子世家注

胡筮之事 夏曰瑚 正義正

鳥則擇木木豈能擇鳥 鳥喻已木以喻所之之國

孔子世家注

十二年公會吳於橐皋 橐皋地名也 吳世家注

若何尋也亦可寒也 尋之言重也溫也寒歇也亦

可寒而歇之 有司徹疏

侯伯致禮地主歸餼 致賓禮於地主傳言吳不行

禮於衛衛非地主 正義

十三年 自到七人於幕下 以絕口 吳世家注

十四年 西狩於大野叔孫氏之車子鉏商獲麟 言西

者有意於西明夫子有立言立言之位在西方故

著於西也車車士微者也子姓鉏商各夫子以哀

十一年自衛反魯而作春秋約之以禮故有麟應

而至正義麟中央土獸土為信信禮之子修其母致

其子視明禮修而麟至思睿信立而白虎擾言從

又成而神龜在沼聽聰知正則名川出龍貌恭性

仁周南疏則鳳皇來儀禮運

以為不祥以賜虞人仲尼觀之曰麟也然後取之

麟非時所常見故怪之以為不祥也仲尼名之曰

麟然後魯人乃取之明麟為仲尼至也孔子世家注

小邾射以句繹來奔 春秋終於獲麟故小邾射不

在三叛人中弟子欲明夫子作春秋以顯其師

故書小邾射以下至孔子卒 正義○春秋序疏云案杜於此下及哀十

四年注皆取服義為說

子我夕 夕省事子我將往夕省事於君而逢逆之殺人也

陳氏方睦 陳常方欲謀有齊國故和其宗族

使疾而遺之湯沐饌酒肉 使陳逆詐病而遺也

子我盟諸陳於陳宗 子我見陳逆得生出而恐為

陳氏所怨故與盟而請和也陳宗宗長之家

我遠於陳氏矣且其違者不過數人 言我與陳氏

宗疎遠矣違者不從子我者

彼得君弗先必禍子子行舍於公宮 彼謂闞止也

子謂陳常也止於公宮爲陳氏作內間也

成子兄弟四乘如公 成子兄弟八人二人共一乘

故曰四乘

出迎之遂入閉門 成子兄弟見子我出遂突入反
閉門子我不得復入

侍人禦之子行殺侍人 闞豎以兵禦陳氏子行舍
於公宮故得殺之

公與婦人飲酒於檀臺成子遷諸寢 當陳氏入時

公與婦人飲酒於此臺成子欲徙公令居寢也

大史子餘 齊大夫

將出 出奔也

並齊世家注

所不殺子者有如陳宗 陳宗先祖鬼神也

正義

子我歸屬徒攻闈與大門 徒會徒衆宮中之門曰

闈大門公門也

殺諸郭闈 齊闈名

成子將殺大陸子方 子方子我黨大夫東郭賈也

何以見魯衛之士 予方將欲奔魯衛也 並齊世家注

十五年 將以尸入 在牀曰尸在棺曰柩 正義

舍於孔氏之外圃昏二人蒙衣而乘 國國也二人

謂良夫大子蒙衣為婦人之服以巾蒙其頭而共

乘也

孔氏之老樂甯問之 家臣稱老問其姓名

遂入適伯姬氏 入孔氏家適伯姬所居

孔伯姬杖戈而先 先至孔慳所

遂劫以登臺 於衛臺上召衛羣臣

使告季子召獲駕乘車季路爲孔惺邑宰故告之

召獲衛大夫駕乘車不駕兵車也言無距父之意
行爵食炙奉衛侯輒來奔樂甯使召季路乃行爵

食炙召獲奉衛侯

食焉不辟其難言食惺之祿欲救惺之難此明其

不死國也

公孫敢門焉曰無入爲也公孫敢衛大夫言輒已

出無爲復入也

下石乞孟壓敵子路二子蒯賁之臣敵當也

君子死冠不免 不使冠在地

並衛世家注

十六年 稱一人非名也 天子自謂一人非諸侯所當

稱也 孔子世家注

使處吳竟為白公 白邑名楚邑大夫皆稱公

楚世家注

請以戰備獻 欲陳士卒甲兵如與吳戰時所入獻

捷 正義

圍公陽穴宮負王以如昭夫人之宮 昭夫人惠王

母越女也 楚世家注

十七年 立公子起 起靈公子 衛世家注

武伯曰然則彘也 彘武伯名也魯於齊爲小國故

曰彘也

天官疏

二十

年 吳公子慶忌驟諫吳子

驟數也

鄭風疏

二十

年 是彘言也

彘僞不信言也

釋文

二十

年 衛侯出奔宋

此下但有適城鉏以鉤越無奔

宋之事

正義

二十

七年 設乘車兩馬

一日兩飾

公游於陵阪

陵阪地名

魯世家注

原缺